

## **Cynigion a Gwelliannau i'w Trafod ar 21 Mehefin 2005**

### **Cynigion a gyflwynwyd ar 14 Mehefin 2005**

#### **NDM2486 Jane Hutt (Bro Morgannwg)**

Cynnig bod Cynulliad Cenedlaethol Cymru, gan weithredu'n unol â Rheol Sefydlog 24.25:

1.

a) Yn ystyried adroddiad y Pwyllgor Deddfau a osodwyd yn y Swyddfa Gyflwyno ac a e-bostiwyd i Aelodau'r Cynulliad ar 7 Mehefin 2005 ynghylch Rheoliadau drafft Deunyddiau ac Eitemau Plastig mewn Cysylltiad â Bwyd (Diwygio) (Rhif 2) (Cymru) 2005; ac

b) Yn cymeradwyo bod Rheoliadau drafft Deunyddiau ac Eitemau Plastig mewn Cysylltiad â Bwyd (Diwygio) (Rhif 2) (Cymru) 2005 yn cael eu gwneud yn unol ag:

i) y rheoliadau drafft a osodwyd yn y Swyddfa Gyflwyno ar 24 Mai 2005; ac

ii) yr arfarniad rheoliadol a osodwyd yn y Swyddfa Gyflwyno ar 26 Mai 2005; ac

2.

a) Yn ystyried adroddiad y Pwyllgor Deddfau a osodwyd yn y Swyddfa Gyflwyno ac a e-bostiwyd i Aelodau'r Cynulliad ar 7 Mehefin 2005 ynghylch Rheoliadau drafft Deunyddiau ac Eitemau mewn Cysylltiad â Bwyd (Cymru) 2005; ac

b) Yn cymeradwyo bod Rheoliadau drafft Deunyddiau ac Eitemau mewn Cysylltiad â Bwyd (Cymru) 2005 yn cael eu gwneud yn unol ag:

i) y rheoliadau drafft a osodwyd yn y Swyddfa Gyflwyno ar 2 Mehefin 2005; ac

ii) yr arfarniad rheoliadol a osodwyd yn y Swyddfa Gyflwyno ar 2 Mehefin 2005

3.

a) Yn ystyried adroddiad y Pwyllgor Deddfau a osodwyd yn y Swyddfa Gyflwyno ac a e-bostiwyd i Aelodau'r Cynulliad ar 7 Mehefin 2005 ynghylch Gorchymyn drafft Addysg (Cyrff sy'n Cael eu Rhestru) (Cymru) (Diwygio) 2005; a

b) Yn cymeradwyo bod Gorchymyn drafft Addysg (Cyrff sy'n Cael eu Rhestru) (Cymru) (Diwygio) 2005 yn cael ei wneud yn unol ag

i) y rheoliadau drafft a osodwyd yn y Swyddfa Gyflwyno ar 17 Mai 2005; ac

ii) yr arfarniad rheoliadol a osodwyd yn y Swyddfa Gyflwyno ar 17 Mai 2005.

#### **NDM2487 Jane Hutt (Bro Morgannwg)**

Cynnig bod Cynulliad Cenedlaethol Cymru:

1. Yn nodi cynnwys rhaglen ddeddfwriaethol Llywodraeth y DU ar gyfer y cyfnod Mai 2005 i

Hydref/Tachwedd 2006;

2. Yn croesawu cynnwys tri Mesur ar gyfer Cymru'n unig yn y rhaglen, ac y bydd pedwerydd yn cael ei gynhyrchu ar ffurf drafft ar gyfer craffu arno cyn deddfu;

3. Yn nodi bod y Mesurau arfaethedig a ganlyn yn arbennig o berthnasol i gyfrifoldebau'r Cynulliad:

- (a) y Mesur Comisiynydd Pobl Hyn (Cymru) (Y Pwyllgor Iechyd a Gwasanaethau Cymdeithasol)
- (b) y Mesur Trafnidiaeth (Cymru) (Y Pwyllgor Datblygu Economaidd a Thrafnidiaeth)
- (c) y Mesur Gwella a Gwarchod Iechyd (Y Pwyllgor Iechyd a Gwasanaethau Cymdeithasol)
- (d) y Mesur Iechyd Meddwl (Y Pwyllgor Iechyd a Gwasanaethau Cymdeithasol)
- (e) y Mesur Plant a Mabwysiadu (Y Pwyllgor Cyfiawnder Cymdeithasol ac Adfywio)
- (f) y Mesur Gwaith a Theuluoedd: Gofal Plant (Y Pwyllgor Addysg a Dysgu Gydol Oes)
- (g) Iawndal y GIG (Y Pwyllgor Iechyd a Gwasanaethau Cymdeithasol)
- (h) y Mesur Cydraddoldeb (Y Pwyllgor Cyfle Cyfartal)
- (i) y Mesur Elusennau (Y Pwyllgor Cyfiawnder Cymdeithasol ac Adfywio)
- (j) y Mesur Addysg a Sgiliau (Y Pwyllgor Addysg a Dysgu Gydol Oes)
- (k) y Mesur Llety Twristiaeth (Cymru) (Y Pwyllgor Datblygu Economaidd a Thrafnidiaeth)
- (l) Mesur Diogelwch y Ffyrdd (Y Pwyllgor Datblygu Economaidd a Thrafnidiaeth)
- (m) Mesur yr Amgylchedd Naturiol a Chymunedau Gwledig (Pwyllgor yr Amgylchedd, Cynllunio a Chefn Gwlad)
- (n) y Mesur Lles Anifeiliaid (Pwyllgor yr Amgylchedd, Cynllunio a Chefn Gwlad)
- (o) y Mesur Tir Comin (Pwyllgor yr Amgylchedd, Cynllunio a Chefn Gwlad)
- (p) y Mesur Morol (Pwyllgor yr Amgylchedd, Cynllunio a Chefn Gwlad)
- (q) Mesur y Loteri Genedlaethol (Y Pwyllgor Diwylliant, y Gymraeg a Chwaraeon)
- (r) y Mesur Rheoleiddio Gwell (Y Pwyllgor Datblygu Economaidd a Thrafnidiaeth)

4. Yn cynnwys y Mesurau uchod yng nghylchoedd gwaith y pwyllgorau perthnasol er mwyn iddynt eu hystyried fel sydd yn briodol yn eu barn hwy, ac yn gofyn i bob pwyllgor gyflwyno adroddiad gerbron y Cynulliad cyn gynted ag sydd yn bosibl;

5. Yn nodi mai bwriad Llywodraeth Cynulliad Cymru, ar ôl cyhoeddi'r Papur Gwyn sydd ar fin ei gyhoeddi, yw cyflwyno cynigion gerbron y Cynulliad i sefydlu pwyllgor ymgynghorol dan Reol Sefydlog 8.1 i gydlynu ymateb Cynulliad Cenedlaethol Cymru i'r Papur Gwyn hwnnw cyn pen y dyddiad cau ar gyfer cyflwyno sylwadau.

*Mae'r Mesurau hynny a gyhoeddwyd ar gael drwy'r hyperddolenni canlynol:*

*Araith y Frenhines:*

<http://www.number-10.gov.uk/output/Page4902.asp>

*Y Mesur Comisiynydd Pobl Hyn (Cymru):*

<http://www.publications.parliament.uk/pa/ld200506/ldbills/006/2006006.htm>

*Y Mesur Trafnidiaeth (Cymru):*

<http://www.publications.parliament.uk/pa/cm200405/cmbills/015/2005015.htm>

*Y Mesur Iechyd Meddwl Drafft:*

<http://www.dh.gov.uk/assetRoot/04/08/89/14/04088914.pdf>

Y Mesur Cydraddoldeb:

<http://www.publications.parliament.uk/pa/cm200405/cmbills/072/2005072.htm>

Y Mesur Elusennau:

[http://www.homeoffice.gov.uk/docs3/charitiesbill\\_foreward040527.pdf](http://www.homeoffice.gov.uk/docs3/charitiesbill_foreward040527.pdf)

Mesur Diogelwch y Ffyrdd:

<http://www.publications.parliament.uk/pa/cm200405/cmbills/010/2005010.htm>

Mesur yr Amgylchedd Naturiol a Chymunedau Gwledig:

<http://www.publications.parliament.uk/pa/cm200506/cmbills/003/2006003.htm>

Y Mesur Lles Anifeiliaid:

<http://www.official-documents.co.uk/document/cm62/6252/6252.pdf>

Mesur y Loteri Genedlaethol:

<http://www.publications.parliament.uk/pa/cm200405/cmbills/007/2005007.htm>

Y Mesur Plant a Mabwysiadu:

<http://www.uk250.co.uk/frame.asp?id=6781&c=84&catUrl=http://www.hmso.gov.uk> Wedyn dewiswch "Legislation" ac wedyn "Bills before Parliament."

## **Cynigion a gyflwynwyd ar 17 Mehefin 2005**

### **NNDM2490 Jane Hutt (Bro Morgannwg)**

Cynnig bod Cynulliad Cenedlaethol Cymru, yn unol â Rheol Sefydlog 37.5:

1. Yn atal y rhan honno o Reol Sefydlog 5.4 sy'n mynnu bod y Datganiad Busnes Wythnosol yn glynu wrth yr amserlen y cytunwyd arni ar gyfer busnes y Cynulliad yn yr wythnos ganlynol;
2. Yn atal Rheol Sefydlog 6.13 er mwyn caniatáu i NNDM2489 gael ei ystyried yn y Cyfarfod Llawn ar 22 Mehefin 2005; ac
3. Yn atal Rheol Sefydlog 6.14 er mwyn caniatáu i unrhyw welliannau i NNDM2489, a gyflwynir cyn 5.30pm ar ddydd Mawrth 21 Mehefin 2005, gael eu hystyried yn y Cyfarfod Llawn ar 22 Mehefin 2005.

## **Cynnig i Atal Rheolau Sefydlog a Gyflwynwyd ar 21 Mehefin 2005**

### **NDM2492 Jane Hutt (Bro Morgannwg)**

Cynnig bod Cynulliad Cenedlaethol Cymru yn unol â Rheol Sefydlog 37.5:

1. Yn atal Rheol Sefydlog 6.13 er mwyn caniatáu i NNDM2491 gael ei ystyried yn y Cyfarfod Llawn Ddydd Mercher 22 Mehefin; a
2. Yn atal Rheol Sefydlog 6.14 er mwyn caniatáu i unrhyw welliannau i NNDM2491, a

gyflwynir cyn 11.00am Ddydd Mercher 22 Mehefin 2005, gael eu hystyried yn y Cyfarfod Llawn Ddydd Mercher 22 Mehefin 2005.

## **Gwelliannau a gyflwynwyd ar 15 Mehefin 2005**

Cynnig bod y Cynulliad yn penderfynu mabwysiadu'r gwelliannau isod i gynigion:

### **NDM 2487**

#### **1. David Melding (Canol De Cymru)**

Ychwanegu pwynt newydd ar ddiwedd y cynnig:

Yn gresynu bod Llywodraeth Cynulliad Cymru wedi methu sicrhau rhagor o fesurau ar gyfer Cymru'n unig.

#### **2. David Melding (Canol De Cymru)**

Ychwanegu pwynt newydd ar ddiwedd y cynnig:

Yn gresynu at y methiant i gael mesur i sefydlu dydd Gwyl Dewi Sant fel gwyliau cyhoeddus swyddogol yng Nghymru.

#### **3. David Melding (Canol De Cymru)**

Ychwanegu pwynt newydd ar ddiwedd y cynnig:

Yn gresynu at y methiant i gael mesur gydag ymrwymiad penodol i refferendwm ar statws Cynulliad Cenedlaethol Cymru yn y dyfodol.

#### **4. David Melding (Canol De Cymru)**

Ychwanegu pwynt newydd ar ddiwedd y cynnig:

Yn credu y byddai pobl yng Nghymru sydd â salwch meddwl yn cael eu gwasanaethu'n well gan Fesur Iechyd Meddwl (Cymru) dynodedig.

#### **5. Kirsty Williams (Brycheiniog a Sir Faesyfed):**

Ychwanegu pwynt newydd ar ddiwedd y cynnig:

Yn gresynu nad yw'r Mesur Comisiynydd Pobl Hyn (Cymru) yn caniatáu i'r holl feysydd polisi nas datganolwyd sydd yn ymwneud â phobl hyn fod yn faterion i Gomisiynydd Pobl Hyn Cymru.

## **6. Kirsty Williams (Brycheiniog a Sir Faesyfed):**

Ychwanegu pwynt newydd ar ddiwedd y cynnig:

Yn gresynu bod y Papur Gwyn wedi methu rhoi argymhellion Comisiwn Richard ar waith yn llawn i roi pwerau deddfu sylfaenol i'r Cynulliad Cenedlaethol.

## **7. Kirsty Williams (Brycheiniog a Sir Faesyfed):**

Ychwanegu pwynt newydd ar ddiwedd y cynnig:

Yn galw ar y Prif Weinidog i gyflwyno anerchiad blynyddol sydd yn amlinellu rhaglen strategol ar gyfer llywodraeth yng Nghymru.

## **Gwelliannau a gyflwynwyd ar 16 Mehefin 2005**

Cynnig bod y Cynulliad yn penderfynu mabwysiadu'r gwelliannau isod i gynigion:

**NDM2487**

### **1. Jocelyn Davies (Dwyrain De Cymru)**

Ychwanegu pwynt newydd ar ddiwedd y cynnig:

Mae'r Cynulliad Cenedlaethol yn galw ar Lywodraeth y DU i sicrhau bod unrhyw ddeddfwriaeth sydd yn deillio o'r Papur Gwyn "Llywodraethu Gwell i Gymru" yn cynnwys darpariaeth i roi argymhellion Comisiwn Richard ar waith erbyn 2011.

### **2. Jocelyn Davies (Dwyrain De Cymru)**

Ychwanegu pwynt newydd ar ddiwedd y cynnig:

Cred y Cynulliad Cenedlaethol mai'r sbardun ar gyfer cynnal unrhyw refferendwm i gael pwerau deddfu i'r Cynulliad fydd penderfyniad y Cynulliad a fydd wedi'i basio gan fwyafrif syml.

### **3. Jane Hutt (Bro Morgannwg)**

Ym mharagraff 3 (e) ar ôl "Y Pwyllgor Cyfiawnder Cymdeithasol ac Adfywio" rhoi "a'r Pwyllgor Iechyd a Gwasanaethau Cymdeithasol".